

唐
音
統
籤

丁籤三十六

唐音統籤卷

二百八十九

戎昱荆南人登進士第衛伯玉辟從事建中中為

辰虔二州刺史集五卷

唐宋志同

今編二卷

陳氏書錄

昱弱冠詣杜甫渚宮一見禮遇用卒有哭雨詩

是公武讀書志云初李夔廉察桂林夜聞隣居吟

咏之音清暢遲明訪之乃昱也即延為幕賓因飲

席間其侍兒夔微知其意即贈之昱感怍賦詩有

恩舍死前訓之句雲族友議云京兆尹李璽以

昱為才擢妻之女嫌昱姓欲令其改昱固辭又

云憲宗朝北飲頗近邊大臣議和親帝曰比聞有

上子能為詩而姓各稍僻者是誰因吟山上青松

五言古詩

息論逐一篇漢家書史上計拙是和親云云和戎之

卷二百八十九

塞上曲五首

慘慘寒日沒北風卷蓬根將軍領疲兵却入古塞門回頭指陰山殺氣成黃雲

上山望胡兵胡馬馳驟速黃河水已合意又向南牧嫖姚夜出軍霜雪割人肉

塞北無草木烏鳶巢僵屍決瀋沙漠空終日胡風吹戰卒多苦辛苦辛無四時

晚渡西海西向東看日沒傍岸砂礫堆半和戰兵骨單于竟未滅陰氣常勃勃

城上盡角哀則

一作

知兵心苦賦問左右人無言

淚如雨何意休明時終年事鼙鼓

從軍行

昔從李都尉雙韃照馬蹄擒生黑山北殺敵黃雲
西太白沉虜地邊草復萋萋歸來邯鄲市百尺青
樓梯感激然諾重平生膽力齊芳筵暮歌發艷粉
輕鬟低半酣秋風起鐵騎門前嘶遠戍報烽火孤
城嚴鼓鞞揮鞭望塵去婦莫含啼

苦哉行

寶應中過滑州洛陽後同上京友作

彼鼠侵我廚縱狸授食鼠雖爲君却狸食自須
足冀雪大國恥翻是大國辱羶腥逼綺羅塼瓦雜

珠玉登樓非聘望目笑是心哭何意天樂中至今
奏胡曲

官軍收洛陽家住洛陽里夫婿與兄弟目前見傷
死吞聲不許哭還遺衣羅綺上馬隨匈奴數秋黃
塵裏生爲名家女死作塞垣鬼鄉國無還期天津
哭流水

登樓望天衢目極淚盈睫彊笑無笑容須粧舊花
靨昔年買奴僕奴僕來碎葉豈意未死間自爲匈
奴妾一生忽至此萬事痛苦業得出塞垣飛不如
彼蜂蝶

妾家清河邊七葉承貂蟬身爲最小女偏得渾家
憐親戚不相識幽閨十五年有時最遠出祇到中
門前前年狂胡來懼死翻生全今秋官軍至豈意
遭戈鋌匈奴爲先鋒長鼻黃髮拳彎弓獵生人百
步牛羊羶脫身落虎口不及歸黃泉苦哉難重陳
暗哭蒼蒼天

可汗奉親詔今月歸燕山忽如亂刀劍攪妾心腸
間出戶望北荒迢迢玉門關人生爲死別有去無
時還漢月割妾心胡風凋妾顏去去斷絕魂叫天
天不聞

中秋感懷

一作長
安秋夕

八月更漏長
愁人起常早
閉門寂無事
滿院生秋艸
昨宵北窗夢
夢入荆南道
遠客歸去來
在家貧亦好

晚次荆江

孤舟大江水
水涉無昏曙
雨暗迷津時
雲生望鄉處
漁翁閑自樂
樵客紛多慮
秋色湖上山
歸心日邊樹
徒稱竹箭美
未得楓林趣
向夕垂釣還
吾從落潮去

湖南雪中留別

草草還草草湖東別離早何處愁殺人歸鞍雪中
道出門迷轍跡雲水白浩浩明日武陵西相思髣
髴老

同辛茆州巢父虛副端岳相思獻酬之作因
紆歸懷兼呈辛魏二院長楊長寧

暮角發高城情人坐中起臨觴不及醉分散秋風
裏雖有明月期離心若千里前歡反惆悵後會還
如此焉得夜淹留一回終宴喜羈遊復牽役館至
重湖水早晚泛歸舟吾從數君子

撫州處士湖泛舟送北迴兩指此南昌縣查

溪蘭若別

移罇鋪山曲祖帳查溪陰鋪山卽遠道查溪非故
林悽然誦新詩落淚霑素襟郡政我何有別情君
獨深禪庭古樹秋宿雨清沈沈揮袂故里遠悲傷
去住心

漢陰吊崔員外墳

遠別望有歸落葉望春暉所痛泉路人一去無還
期荒墳遺漢陰墳樹啼子規存沒抱冤滯孤魂意
何依豈無骨肉親豈無深相知曝露不復問高名
亦何爲相攜勸君罷春日空遲遲

七言古詩

採蓮曲

雖聽採蓮曲詎識採蓮心
綠荷羞花蓮似羞
深煙生極浦色日落半江陰
同侶憐波靜暫看帆墮
玉簪洛陽女兒花滿頭
耗耗同泛本蘭舟
秋風日暮南湖事爭唱菱歌不肯休

苦辛行

且莫奏短歌聽余苦辛詞
如今刀筆下不及屠沽
見少年無事學詩賦
豈意文章復相誤
東西南北少知音
終年竟歲悲行路
仰面訴天天不聞
低頭

告地地不言天地生我尚如此陌上他人何足論
誰謂西江綠漲之固無憂誰謂南山高可以登之
遊險巖唯有世間路一衡令人堪白頭費人立意
不可測等閑桃李成荆棘風塵之十深可親心如
雞犬能依人慈惠却憶漢天子不棄相如家舊貧
勸君且飲酒酒能散鬱懣誰家有酒判一醉萬事
從他江水流

寄堂秋夕

隔窗螢影滅復流北風微雨虛堂秋蟲聲竟夜引
鄉淚蟋蟀何知人自愁四時不得一日樂以此方

知客游惡寂寂江城無所聞
梧桐葉上偏蕭索

贈別張駙馬

紀事云肅宗張皇后弟清尚大寧公主潛尚延和公主代宗立

后廢爲庶人
清潛皆放流

上元年中長安陌見君朝下欲歸宅飛龍騎馬三十疋
玉勒雕鞍照初日數里衣香遙撲人長衢雨歇無纖塵
從奴斜抱勅賜錦雙雙蹙出金騏驎天子愛畀皇后弟
獨步明時負權勢一身扈蹕承殊澤甲第朱門聳高戟
鳳凰樓上伴吹簫鸚鵡杯中醉留客奉去否來何足論
宮中晏駕人事翻一朝負譴辭丹闕五年待罪湘江源
冠冕淒涼幾遷改

眼看桑田變成海華堂金屋別賜人細眼黃頭總
何在諸宮相見寸心悲嬾欲今時問昔時看君風
骨殊未歇不用愁來雙淚垂

送李叅軍

好住好住王司戶珍重珍重李叅軍一東一西如
別鶴一南一北似浮雲月照疎林千片影風吹寒
水萬里紋別易會難今古事非是余今獨與君

聽杜山人彈胡笳

綠琴胡笳誰妙彈山人杜陵董庭蘭董君少與山
人友山人別來今已久當時海內求知音囑付胡

銘入君手杜陵攻琴四十年琴聲在音不在弦座
中爲我奏此曲滿堂蕭瑟如窮邊第一第二拍淚
盡蛾眉沒蕃客更聞出塞入塞聲穹廬鴟帳難爲
情胡天雨雪四時下五月不曾芳草生須臾促軫
幾宮徵一聲悲兮一聲喜南看漢月雙眼明却顧
胡兒寸心死回鶻數年收洛陽洛陽士女皆驅將
豈無父母與兄弟聞此哀情皆斷腸杜陵先生證
此道沈家祝家皆絕倒如今世上雅風衰若箇深
知此聲好世上愛琴不愛琴則明此調難知音今
朝促軫爲君奏不向俗流傳此心

五言律詩

塞下曲

北風剗百草胡馬日駸駸
夜後戍樓月秋來邊將
心鐵衣霜露重戰馬歲年深
自有盧龍塞烟塵飛
至今

古意

女伴朝來說知君欲棄捐
懶梳明鏡下羞到畫堂
前有淚沾脂粉無情理
管絃不知將巧笑更遣向
誰憐

閨情

側聽官官說知君寵尚存未能開笑頰先欲換愁
魂寶鏡窺粧影紅衫裊淚痕昭陽今再入寧敢恨
長門

詠史

漢家青史上計拙是和親社稷依明主安危托婦
人豈能將玉貌便擬靜胡塵地下千年骨誰爲輔
佐臣

閏春宴花溪嚴侍御莊

一園春翠色云是子陵家山帶新晴雨溪留閏月
花飛開巾漉酒地拆笋抽芽綵繻承顏服朝朝奏

白華

駱家亭子納涼

江湖思渺然不離國門前
折蘆魚沉藻攀藤鳥出
烟生衣宜水竹小酒入詩篇
莫怪僊星坐神清不欲眠

冬夜宴梁十二廳

故人能愛客秉燭會吾曹
家爲朋徒罄心緣翰墨
勞夜寒銷臘酒霜冷重綈袍
醉臥西窗下時聞鴈響高

秋望興慶宮

先皇歌舞地今日未遊巡
幽咽龍池水淒涼御榻
塵隨風秋樹葉對月老宮人
萬事如桑海悲來欲
慟神

雲夢故城秋望

故國遺墟在登臨想舊遊
一朝人事變千載水空
流夢渚鴻聲晚荆門樹色秋
片雲凝不散遙想望
鄉愁

入劔門

劔門兵革後萬事盡堪悲
鳥鼠無巢穴兒童話別
離山川同昔日荊棘是今時
征戰何年定家家有

畫旗

耒陽谿夜行

自註爲傷
杜甫作

乘夕棹歸舟緣源二轉幽月明看嶺樹風靜聽溪
流嵐氣船間入霜華衣上浮猿聲雖此夜不是別
家愁

成都雨秋

九月龜城暮愁人閉草堂地卑多雨潤天暖少秋
霜縱欲傾新酒其如憶故鄉不知更漏意惟向枕
邊長

桂城早秋

遊客驚秋早江天夜露新滿庭惟有月空館更何
人卜命知身賤傷寒舞劍頻猿啼曾下淚可是爲
憂貧

桂州臘夜

坐到三更盡歸仍萬里除雪聲偏傍竹寒夢不離
家曉角分殘漏孤燈落碎花二年隨驃騎辛苦向
天涯

桂州歲暮

歲暮天涯客寒窓欲曉時君恩空自感鄉思夢先
知重誼人愁別驚栖鵲戀枝不堪樓上角南向海

風吹

歲暮客懷

異鄉三十口親老復家貧無事乾坤內虛爲翰墨
人歲華南去後愁夢北來頻惆悵江邊柳依依又
欲春

羅江客舍

山縣秋雲闇茅亭暮雨寒
白雲落葉下誰問客衣
單有興時添酒
一作開卷無聊嫌整冠
近來鄉國夢
夜到長安

秋夜梁十三廳事

今來秋已暮還恐未成歸夢裡家仍遠愁中葉又
飛竹聲風度急燈影月來微得見梁夫子心源有
所依

衡陽春日遊僧院

曾共劉諮議同時事道林與君相掩淚來客豈知
心壻雪凌春積爐煙向暝深依然舊童子相送出
花林

玉臺體題湖上亭

湖入縣西邊湖頭勝事偏綠竿初長筴紅顚未開
蓮蔽日高高樹迎人小小船清風長入坐夏月似

秋天

題嚴氏竹亭

子陵栖遁處堪繫野人心
溪水浸山影嵐煙向竹陰
忘機看白日留客醉瑤琴
愛此多詩興歸來步步吟

漢上題韋氏莊

結茅同楚客卜築漢江邊
日落數歸鳥夜深聞扣舷
水痕侵岸柳山翠借廚烟
調笑提筐婦春來蠶幾眠

題招提寺

招提精舍好石壁向江開山影水中盡鳥聲天上
來一燈傳歲月深院長莓苔日暮雙林磬冷冷送
客迴

逢隴西故人憶關中舍弟

莫話邊事心摧不欲聞數年家隴地舍弟歿胡
軍每念支離苦常嗟骨肉分急難何日見遙哭隴
西雲

酬梁二平

渚宮無限客相見獨相親長路皆同病無言似一
身歲寒唯愛竹憔悴不堪春細與知音說攻文恐

誤人

桂州西山登高上陸大夫

登高上山高處更堪愁
野菊他鄉酒蘆花滿眼
秋風煙連楚郡兄弟客
荊州早晚朝天去親隨
定遠侯

宿桂州江亭呈康端公

獨向東亭坐三更待月
開螢光入竹去水影過
江來露滴千家靜年流
一葉催龍鍾萬里客正
人哀

秋館雨後得弟兄書卽事呈李明府

弟兄書忽到一夜喜兼愁空館復聞雨貧家怯到
秋坐中孤燭暗窓外數螢流試以他鄉事明朝問
子游

贈宜陽張使君

暫作宜陽客深知太守賢政移千里俗人戴兩重
天舊郭多新室闢坡盡闢田倘令黃霸在今日恥
同年

再赴桂州先寄李大夫

玷玉甘長棄朱門喜再遊過因讒後重恩合死前
酬養驥須憐瘦栽松莫厭秋今朝兩行淚一半血

和流

寄鄭鎮師

平生金石友淪落向辰州已是二年客那堪終日
愁尺書渾不寄兩鬢計應教今夜相思月情人南
海頭

送辰州鄭使君

誰人不謹誦君去獨堪傷長子家無弟慈親老在
堂驚魂隨驛吏冒暑向炎方未到猿啼處參差已
斷腸

送王端公之太原歸觀相公

杜史今何適西行詠陟岡也知人惜別終美鴈成
行春雨桃花靜離樽竹葉香到時丞相閣應喜棣
華芳

送陸秀才歸覲

武陵何處在南指楚雲陰花萼連枝近桃源去路
深鶯啼徒寂寂征馬已駉駉隄上千年柳條條掛
我心

送嚴十五之長安

送客身爲客思家恰到家暫收雙眼淚遙想五陵
花路遠征車迥山迴劍閣斜長安君到日春色未

應貽

成都送嚴十五之江東

江都萬里外別後幾懷懷
峽路花應發津亭柳正
齊酒傾遲日暮川闊遠
天低心繫征帆上隨君到
剡溪

送張秀才之長沙

君向長沙去長沙僕舊諳
雖云桂嶺北終是洞庭
南山靄生朝雨江烟乍
一作夕嵐松醪能醉客慎
勿滯湘潭

送王明府入道

何事陶彭澤明時又掛冠爲耽泉石趣不憚薜蘿
寒輕雪籠紗帽孤猿傍醺壇懸思老松下金甌夜
燒丹

送鄭鍊師貶辰州

辰州萬里外想得逐臣心謫去刑名枉人間痛惜
深誤將瑕指玉遂使謗銷金計日西歸在休爲澤
畔吟

花下宴送鄭鍊師

愁惜春深聞幽卽共尋貴看花裏色圖放別離
心客醉花能笑詩成花伴吟爲君調綠綺先奏鳳

歸林

送僧法和

一作亮法師

達士心無滯他鄉總是家間經翻貝葉論法指蓮
花欲契真空義先開智慧芽不知飛錫後何處是
但沙

賦得江上柳送人

江柳斷腸色黃綠垂未齊人看幾重恨鳥入一枝
低鄉淚正堪落與君又解攜相思萬里道春
陽西

八月十五日

憶昔千秋節懽娛萬國同
今來六親遠此日一悲
風年少逢胡亂時平似
夢中梨園幾人在應是
泣無窮

聞顏尚書陷賊中

傳道征南歿那堪故吏聞
能持蘇武節不授馬超
勲國破無家信天秋有
鴈群同榮不同辱今日
負將軍

和李君鍾種葛

弱質人皆棄唯君手自栽
藟含霜後竹樓惹臘前
梅凝澁陵雲勢須憑接
引材清陰如可借黃鳥
定

飛來

賦得鐵馬鞭

成器雖因匠懷剛本自天爲憐排寸節長擬靜三
邊未入英髦用空存鐵石堅希君剖腹取還解抱
龍泉

聞笛

一作李益詩

入夜思歸切笛聲寒更哀愁人不願聽自到枕前
來風起塞雲斷夜深關月開平明獨惆悵
盡一庭梅

丁籤三十六戎昱之二

唐音統籤卷

十一

五言排律

辰州建中四年多懷

荒徼辰陽遠窮秋瘴雨深主恩堪灑血邊宦更何
心海上紅旗滿生前白髮侵竹寒寧改節年靜早
因禽務退門多掩愁來酒獨斟天涯憂國淚無日
不沾襟

涇州觀元戎出師

寒日征西將蕭蕭萬馬叢吹笳覆樓雪祝纛滿旗
風遶虜黃雲斷燒羌白草空金鏡肅天外玉帳靜

霜中朔野長城閉河源舊路通衛青師自老魏絳
賞何功槍壘依沙迥轅門壓塞雄燕然如可勒萬
里願從公

觀衛尚書九日對中使射破的

盛宴傾黃菊殊私降紫泥月營開射圃霜旆拂晴
霓出將三朝貴彎弓五善齊腕迴金鏃滿的破綠
弦低勇氣干牛斗歡聲震鼓鼙忠臣思報國更欲
取關西

上桂州李大夫

今日辭門館情將衆別殊感深翻有淚仁過曲憐

綠曉鏡傷秋鬢晴寒切病軀烟波萬里濶宇宙一
身孤倚馬才寧有登龍意豈無唯於方寸內暗貯
報恩珠

送吉州閫使君入道

聞道桃源去塵心忽自悲余當從宦日君是棄官
時金永封仙骨靈津咽玉池受傳三籙傳起坐五
雲隨洞裏花常發人間鬢易衰他年會相訪莫作
爛柯基

七言律詩

秋日感懷

洛陽岐路信悠悠無事辭家兩度秋
日下未馳千里足天涯徒泛五湖舟
荷衣半浸綠鄉淚玉貌潛銷是客愁
說向長安親與故誰憐歲晚尚淹留

謫官辰州冬至日懷

去年長至在長安策杖曾簪獬豸冠
此歲長安途至日下階遙想雪霜寒
夢隨行伍朝天去身寄窮荒報國難
北望南郊消息斷江頭唯有淚闌干

江城秋霽

霽後江城風景涼豈堪登眺只堪傷
遠天蟬煉收殘雨映水鷗鷺近夕陽
萬事無成空過日十年多

難未還鄉不知何處銷茲恨轉覺愁隨夜夜長

辰州聞大駕還宮

聞道鑾輿歸魏闕望雲西拜喜成悲寧知隴水烟
銷日再有園林秋薦時渭水戰添亡虜血秦人生
親舊朝儀自慚出守辰州昨不得親隨日月旗

上李常侍

旌旗曉過大江西七校前驅萬隊齊千里政聲人
共喜三軍令肅馬前嘶恩沾境內風初變春入城
陰柳漸低桃李不須令更種早知門下舊威靈

上湖南崔中丞

山上青松陌上塵，雲泥豈合得相親。
舉世盡嫌良馬瘦，唯君不厭臥龍貧。
千金未必能移性，一諾從來擬一作許殺身。
莫道書生無感激，寸心還是報恩人。
按：移性，出後漢書高獲語：雲溪友議有解姓之說，收從姓字，恐出於會非是。

贈岑郎中

童年未解讀書時，誦得郎中數首詩。
四海烟塵猶隔濶，十年魂夢每相隨。
雖披雲霧逢迎疾，已恨趨風拜德遲。
天下無人鑒詩句，不尋詩伯重尋誰。

成都元十八侍御

不見元生已數朝，浣花溪路去非遙。
客舍早知渾

寂寞交情豈調更蕭條空有寸心思會面恨無尊
酌遣相邀驛驄幸自能馳驟何惜揮鞭過柞橋

贈韋况徵君

身欲逃名名自隨鳳銜丹詔降茅茨苦節難違天
子命貞心唯有老松知回看藥竈封題密強入蒲
輪引步遲今日巢由舊冠帶聖朝風化勝堯時

寄梁淑

長憶江頭執別時論文未有不相思鴈過經秋無
尺素人來終日見新詩心思食藥何由展家似流
萍任所之悔學秦人避地武陵原上又徵師

送蘇參軍

憶昨青襟醉裏分
酒醒迴首愴離羣
舟移極浦城初掩
山東長江日早曛
客來有恨三思德
別後誰人更議文
常歎蘇生官太屈
應緣才似鮑參軍

又送吉州閫使君入道

廬陵太守近隰官
月帔初朝玉帝壇
風過鬼神迎受籙
夜深龍虎衛燒丹
水客入鏡纖埃靜
玉液添瓶漱齒寒
莫遣桃花迷客路
千山萬水訪君難

五言絕句

別離

一作藏叔倫詩

手把杏花枝未曾別離黃昏掩門後寂寞自心知

移家別樹

手種庭前樹人移樹不移看花愁作別不及未栽時

七言絕句

塞上曲二首

漢將歸來虜塞空旌旗初下玉關東高蹄戰馬三千匹落日平原秋朔中

胡風略地燒連山碎葉孤城未下關山頭烽子聲

聲

一作齊聲

叫知是將軍夜獵還

湘南曲

虞帝南遊不復還
翠娥幽怨水雲間
昨夜月明湘浦宿
閨中珂珮度空山

感春

看花淚盡知春盡
魂斷看花祇恨春
名位未霑身欲老
詩書寧救眼前貧

早春雪中

陰雲萬里晝漫漫
愁坐關心事幾般
爲報春風休下雪
柳條初放不禁寒

湖南春日二首

自憐春日客長沙江上無人轉憶家
光景却添鄉思苦簷前數片落梅花

三湘漂寓若流萍萬里湘鄉隔洞庭
羈客春來心欲碎東風莫遣柳條青

移家別湖上亭

好去春風湖上亭柳條藤蔓繫離情
黃鸝久住渾相識欲別頻啼四五聲

過商山

雨暗商山過客稀路傍孤店閉柴扉
卸鞍良久茆

簾下待得主人樵采歸

宿湘江

九月湘江水漫流沙邊維纜月華秋金風浦上吹
黃葉一夜紛紛滿客舟

桂州口號

蕭角三聲動客愁曉霜如雪覆江樓誰道桂林風
景暖到來重着皂貂裘

雲安阻雨

日長巴峽雨濛濛又說歸舟路未通遊人不及西
江水先得東流到清宮

征人歸鄉

三月江城柳絮飛五年遊客送人歸
故將別淚和鄉淚今日闌干濕汝衣

題宋玉亭

宋玉亭前悲暮秋陽臺路上雨初收
應緣此處人多別松竹蕭蕭也帶愁

寂上人禪房

俗塵浮垢閉禪關百歲身心幾日閒
盡得此生同艸木無營長在四時閒

題雲公山房

雲公蘭若深山裏月明松殿微風起試問空門清
淨心蓮花不著秋潭水

收襄陽城二首

悲風慘慘雨飈飈北山低草木愁暗發前軍迎
夜戰平明旌旆入襄州

五營飛將擁霜戈百里僵屍滿灤河日暮歸來看
劒血將軍却恨殺人多

出軍

龍繞旌竿獸滿旗翻營乍似雪山移中軍一隊三
千騎盡是并州遊俠兒

過東平軍

畫角初鳴殘照微
營營鞍馬往來稀
相逢士卒皆垂淚
八座朝天何日歸

戲贈張使君

數載蹉跎罷縉紳
五湖乘興轉迷津
如今野客無家第
醉處尋常是主人

蘇次寄湖南張郎中

寒江近戶慢流聲
竹影臨窻亂月明
歸夢不知湖水潤
夜來還到洛陽城

途中寄李二

以下二首並互見李益

楊柳烟含灞岸春年年攀折爲行人好風若借低
枝便莫遺青絲掃路塵

寄許鍊師

埽石焚香禮碧空露華偏濕藥珠宮如何說得天
壇上萬里無雲月正中

別公安賈明府

葉縣門前江水深淺於羈客幾多心把君詩卷西
歸去一度相思一度吟

下第留辭顧侍御

綺陌彤彤花照塵王門侯邸盡朱輪城南舊有山

村路欲向雲霞覓主人

送妓赴于公召

雲溪友議云于頔鎮襄陽

是妓善歌者頔遽命召之是不得已遣行賦此什及至令唱歌妓唱此頔聞不安嘆曰大丈夫豈有奪人姬妾為己權娛者厚贈之歸手書謝是太下實記以召妓為韓滉又以以前好去春風湖上亭為送妓詩未詳孰是

寶鈿香蛾翡翠裙粧成掩泣欲歸雲殷勤好取襄
王意莫向陽臺夢使君

哭黔中薛大夫

亞相何年鎮百蠻生涯萬事瘴雲間夜郎城外誰
人哭昨日空餘旌節還

秋月

江干入夜杵聲秋
百尺疎桐挂斗牛
思苦自緣明月苦
人愁不是月華愁

戲題秋月

秋宵月色勝春宵
萬里天涯靜寂寥
近來數夜飛霜重
只畏婆娑樹葉凋

韓舍人書齋殘雪

風卷長空暮雪晴
江烟洗盡柳條輕
簷前數片無人掃
又得書窗一夜明

早梅

一樹寒梅白玉條，迥臨村路傍溪橋。
應緣不知近水花先發，疑是經春雪未消。

槿花

自用金錢買槿栽，二年方始得花開。
鮮紅未許佳人見，蝴蝶爭知早到來。

紅槿花

花是深紅葉麴塵，不將桃李共爭春。
今日驚秋自憐客，折來持贈少年人。

丁籤三十七

唐音統籤卷十二

暢當河東人初以子弟被召從軍後登大曆七年

進士第貞元初爲太常博士

據盧綸還往詩嘗辟山南幕又爲參軍

終果州刺史與弟諸皆有詩名詩一卷

唐志二卷宋志亡

計敏夫云當詩平淡多佳句如水平定鶴翻去松欹峰巖如暉暉耿不暮平江寂無聲湖畔聞漁唱大邊數鴈行陽崖全帶日

寬峭偶通耕皆有遠意

自平陽館赴郡

晨興平陽館見月沉江水溶溶山霧披肅肅沙鷺起奉恩謬符竹伏軾省潛鄙何當施教化愧迎小郡吏寥落火耕俗征途青冥裏德綏及吾民不德

將鹿矣。擒奸非性能多。愍會衰齒。恭承共理。詔恒
懼墜諸地。

南充謝郡客遊澧州留贈字文中丞

僕本濩落人。辱當州郡使。量力頗及早。謝歸今卽
已。蕭蕭若凌虛。襟帶頗銷靡。車服率然來。涪陽作
遊子。鬱鬱寡開顏。默默獨行李。忽逢平生友。一笑
方在此。秋情寧風日。楚思浩雲水。爲語弋林者。冥
冥鴻遠矣。

宿報恩寺精舍

鍾梵送沉景。星多露漸光。風中蘭靡靡。月下樹蒼

蒼夜殿若山橫深松如澗涼羸然虎溪子遲我一
虛床杳杳空寂舍濛濛蓮桂香擁褐依西壁紗燈
霜中央

軍中醉飲寄沈八劉叟

一作杜
甫詩誤

酒渴愛江清餘酣漱晚汀軟莎欹坐穩冷石醉眠
醒野膳隨行帳華音發從伶數孟君不見都已遺
沉冥

偶宴西蜀摩訶池

珍木鬱清池風荷左右披淺觴寧及醉慢舸不知
移蔭簾流光冷凝簪照影歛

一作蔭竹簾光
冷照流簪影歛

胡爲

獨騎蒼雪涕向漣漪

山居酬韋蘇州見寄

孤茅泄烟處此中山
叟居觀雲寧有事耽酒詎知
餘水定鶴翻去松欹峯儼如
猶頻使君問更欲結
深廬

奉送杜中丞赴洪州

詔出鳳凰宮新恩連帥雄
江湖經戰陣草木待仁
風豪右貪威愛紆繁德簡通
多慙君子顧攀餞路
塵中

春日過奉誠園

帝里陽和日一作早遊人到御園暖催新景氣春忍
舊蘭蓀詠德先臣沒成蹊大樹存見桐猶近井看
柳尚依門獻地非更宅遺忠永奉恩又期攀桂後
來賞百花繁

天柱隱所重答韋江州

寂寞一悵望秋風山景清此中惟草色翻意見人
行荒徑饒松子深蘿絕鳥聲陽崖全帶日寬嶂偶
通耕拙味難容世貧窮別有情煩君瓊玖贈幽懶
百無成

宿潭上二首

夜潭有仙舸與月當水中佳賓愛明月遊子驚秋風

青蒲野陂水白露明月天夜中秋風起心事坐潛然

釣渚亭

花發多遠意鳬鴈有閑情遲暉耿不暮平江寂無聲

登鶴雀樓

迎臨飛鳥上高出世塵一作問天勢圍平野河流

入斷山

別盧綸

故交若獨在又欲與君離我有新愁淚非關秋氣

一作悲

題沈八齋

江齋一入何亭亭因寄淪漣心杳冥綠綺琴彈白雪引烏絲絹勒黃庭經

句

寒林苞晚橘風絮露垂楊

紀事

丁籤三十八

唐音親籤卷一百九

楊憑字虛受弘農人擢進士第歷官京兆尹坐貶

終太子詹事詩一卷

傳載憑與母弟凝凌並工文辭為學甚苦或同賦一篇共

坐庭石霜積襟袖課成乃已志矢載其集卷七

樂遊園望月

炎靈全盛地明月半秋時今古人同望盈虧節暗

移彩凝雙月迥輪度八川遲共惜鳴珂去金波送

酒卮

長安春夜宿開元觀

霓裳下晚煙留客杏花前徧問人寢事新從洞府

天長松背掃月老鶴不知年爲說蓬瀛路雲濤幾處連

巴江南夜

五嶺天無雁三巴客問津紛紛輕漢暮漠漠暗江春
青草連湖岸繁花憶楚人芳菲無限路幾夜月
明新

晚泊江戍

旅棹依遙戍清湘急晚流若爲南浦宿逢此北風秋
雲月孤鴻晚關山幾路愁年年不得意零落對滄洲

邊塞行

九原臨得水雙足是重城獨許爲儒老相憐從騎
行細叢榆塞迥高點雁山晴聖主嗤炎漢無心自
勒兵

春情

暮雨朝雲幾日歸如絲如霧濕人衣三湘二月春
光早莫逐狂風繚亂飛

邊情

新種如今屢請和玉關邊上幸無他欲知北海苦
辛處看取節旄餘幾多

雨中怨秋

辭家遠客愴秋風
千里寒雲與斷蓬
日暮隔山投古寺
鐘聲何處雨濛濛

春中泛舟

仙郎歸秦過湘東
正值三湘二月中
惆悵滿川桃李醉
醉看還與曲江同

秋日獨遊曲江

信馬閒過憶所親
秋山行盡路無塵
主人莫惜松陰醉
還有千錢沽酒人

早發湘中

按節鳴笳中貴催紅旌白旆滿船開迎愁溢浦登
城望西見荆門積水來

湘江汎舟

湘江洛浦三千里地角天涯南北遙除却同傾百
壺外不愁誰奈兩魂消

寶洛陽平見簡篇章偶贈絕句

直用天才衆却瞋應欺李杜久爲塵南荒不死中
華老別玉翻同西國人

戲贈馬鍊師

心嫌碧落更何從月帔花冠冰雪容行雨若迷歸

處路近前

一作南

惟見觀融峰

送客往荊州

巴丘過日又登城
雲水湘東一色平
若愛春秋繁露學
正逢元凱鎮南荆

送別

江岸梅花雪不如
看君驛馭向南徐
相聞不必因來雁
雲裏飛驂落素書

寄別

晚烟洲霧共蒼蒼
河雁驚飛不作行
回旆轉舟行數里
歌聲猶自逐清湘

海榴

海榴殷色透簾櫳
看盛看衰意欲同
若許三英隨五馬
便將濃豔闔繁紅

千葉桃花

千葉桃花勝百花
孤榮春晚駐年華
若教避俗秦人見
知向河源舊侶誇

丁籤三十九

唐音統義卷十二

自七

楊凝字懋功與兄憑弟凌並負時名大曆中擢進士第歷司封員外郎爲權幸所忌徙官宣武董晉表爲判官攝行亳州刺史事在幕荒酒遇卒亂還京拜兵部郎中卒集二十卷

宋志

今編詩爲一卷

權德輿序云君所著文一百四十篇歌詩倍之詞合雅言中倫絮淨爽易得其英華

從軍行

都尉出居延強兵集五千還將張博望直救范祁連漢卒悲簫鼓胡姬濕采旃如今意氣盡流淚挹流泉

和直禁省

宵直丹宮近，風傳碧樹涼。
漏稀銀箭滴，月度綳軒光。
鳳詔裁多暇，蘭燈夢更長。
此時顏范貴，十步舊連行。

春情

趙玄度云出李近復藏本

舊宅洛川陽，曾遊遊俠場。
水添楊柳色，花絆綺羅香。
趙瑟多愁曲，秦家足艷粧。
江潭遠相憶，春夢不勝長。

送別

尊酒郵亭暮，雲帆驛使歸。
野鴻寒不起，川雨凍難飛。

飛吳會家移遍
轅轅夢去稀
姓楊皆是淚
非是強沾衣

送客東歸

君向古營州
春風戰地愁
草青縵別路
柳亞拂孤樓
人意傷難醉
鶯啼咽不流
芳菲只合樂
離思返如秋

送客歸湖南

湖南樹葉盡
了了見潭州
雨散今爲別
雪飛何處遊
情來翻似醉
淚迸不成流
那向蕭條路
綠湘黃竹愁

送友人歸淮南

畫舸照河堤，
綠草色齊行。
絲直網蝶去，
鷺旋遺泥。
郡向高天近，
人從別路迷。
非關御溝上，
今日各東西。

春霽晚望

細雨晴深小苑東，
春雲開氣逐光風。
雄兒走馬神光上，
靜女看花佛寺中。
書劍學多心欲懶，
田園荒廢望頻空。
南歸路極天連海，
唯有相思明月同。

送客往鄜州

新參將略事西

一作替

平錦帶，
驛弓結束輕曉上關。

城吟夜角暗驅羗馬發支兵回中地遠風常急廊
時年多草自生近喜扶陽係戎相從來衛霍笑長
纓

送客往夏州

憐君此去過居延古塞黃雲共渺然沙闊獨尋邊
馬跡路遙指戍人烟夜投孤店愁吟笛朝望行
塵喜控弦聞有故人今從騎何須著論更言錢

初度淮北岸

別夢雖難覺悲魂最易銷殷勤淮北岸鄉近去家
遙

留別

玉節隨東閣金闕別舊僚
若爲花滿寺躍馬上河橋

別友人

倦客驚危路傷禽遶樹枝
非逢暴公子不敢涕流離

送客往洞庭

九江歸路遠萬里客船還
若過巴江水湘東滿碧煙

詠雨

塵裏多人路泥歸足燕家可憐撩亂點濕盡滿宮
花

柳絮

河畔多楊柳追遊盡狹斜春風一回送亂人莫愁
家

花枕

席上沉香枕樓中蕩子妻那堪一夜裏長濕兩行
啼

春怨

花滿簾櫳欲度春此時夫婿在咸秦綠窗孤枕難

唐詩集
成寐紫燕雙飛似弄人

上巳

帝京元巳足繁華細管清絃七貴家此日風光誰
不共紛紛皆是掖垣花

初次巴陵

西江浪接洞庭波積水遙連天上河鄉信爲憑誰
寄去汀洲燕雁漸來多

戲贈友人

湘陰直與地陰連此日相逢憶醉年美酒非如平
樂貴十升不用一千錢

別李協

江邊日暮不勝愁
送客霑衣江上樓
明月峽添明
月照蛾眉峰似兩眉愁

送別

僊花笑盡石門中
石室重重掩綠空
暫下雲峰能
幾日却回煙駕馭春風

送別

春愁不盡別愁來
舊淚猶長新淚催
相思儻寄相
思子君別揚州楊子回

送客入蜀

劍閣迢迢夢想間
行人歸路遶梁山
明朝騎馬搖鞭去
秋雨槐花子午關

送客歸常州

行到河邊從此辭
寒天日遠暮帆遲
可憐芳草成衰艸
公子歸時過綠時

唐昌觀玉蕊花

瑤華瓊藥種何年
蕭史秦嬴向紫煙
時控彩鸞過舊邸
摘花持獻玉皇前

殘花

五馬踟躕在路岐
南來只爲看花枝
鶯銜蝶弄紅

芳盡此日深閨那得知

丁籤四十

唐貞統籤卷

楊凌字恭履善文章與兄憑凝先後登大曆進士

第時號三楊終侍御史詩一卷

唐書卷一百一十五

楊君少以篇什著聲于時晚節偏倍文體尤意清適陪陳子昂之後可謂其體

奉洲韋滁州寄示

凌嘗客於滁州因敘寄以詩凌因謝之時為協律郎

郎

淮陽為郡暇坐惜流芳秋散懷累樹風清暑澄潭

月陪燕辭三楚戒途綿百越非當遠別離雅秦何

山溪

江上秋月

離王送鄉心
羈情屬歲陰
驚秋黃葉遍
愁暮碧雲深
月色吳江上
風聲楚木林
交親幾重別
歸夢併愁侵

梅里旅夕

滄洲東望路
旅棹愴羈遊
楓浦蟬隨岸
沙汀鷗轉流
露天星上月
水國夜生秋
誰忍持相憶
南歸一葉舟

潤州水樓

歸心不可留
雪桂一叢秋
葉雨空江月
螢飛白露洲
野蟬依獨樹
水郭帶孤樓
遙望山川路
相思萬

里遊

鍾陵雪夜訓友人

窮臘催年急陽春怯和歌殘燈閃壁盡夜雪透窓
多歸路山川險遊人夢寐過龍洲不可泊歲晚足
驚波

閣前雙槿

羣玉開雙槿丹榮對絳紗含煙疑出火隔雨怪舒
霞向晚爭辭藥迎朝闕發花非關後桃李爲欲繼
年華

小苑春望宮池柳色

上苑閑遊早東風柳色輕儲胥遙掩映池水隔微
明春至條偏弱寒餘葉未成和烟變濃澹轉日異
陰晴不獨芳菲好還因雨露榮行人望攀折遠翠
華愁生

賈客愁

萬首絕句作楊
憑御覽詩作凌

山水路悠悠逢灘卽磔留西江風未便何日到荆
州

江中風

白浪暗江中南潯路不通高檣帆自滿出浦莫呼
風

送客往睦州

水濶盡天南孤舟去渺然驚秋路傍客日暮數聲蟬

送客之蜀

西蜀三千里巴南水一方曉猿天際斷夜月峽中長

剡溪看花

花落千回舞鶯聲百轉歌還同異方樂不禁客愁多

詠破扇

萬首絕句作楊
憑御覽詩作愛

粉落空床素塵生故篋留先來無一半情斷不勝愁

明妃怨

漢國明妃去不還馬馱絃管向陰山匣中雖有菱花鏡羞對單于照舊顏

早春雪中

新年雨雪少晴時屢失尋梅看柳期鄉信憶隨回雁早江春寒帶故陰遲

秋原晚望

客雁秋來次第逢家書頻寄兩三封夕陽天外雲

歸盡亂見青山無數峰

卽事寄人

中禁鳴鍾日欲高
北窗欹枕望頻搔
相思寂寞青苔合
惟有春風啼伯勞

北行留別

日日三川烽火頻
山河重起舊煙塵
一生孤負龍泉劍
羞把詩書問故人

春霖花萼樓南聞宮鶯

祥煙瑞氣曉來輕
柳變花開共作晴
黃鳥遠啼鵲
鵲觀春風流出鳳皇城

句

南國桃李花落盡春風寂寞搖空枝

詩式

丁籤四十一

唐音統籤卷二百九十五

楊衡字仲師吳興人初與符載崔羣宋濟隱廬山

或云清號山中四友後登第官至大理評事詩一

卷唐志無宋志有紀事云時有盜衡文登第者

衡因請罰亦登第見其人盛怒曰一一鴟聲飛上天在否答曰此句知見景惜不改偷衡笑曰猶可忽也孟東野有悼衡詩云君生雪水清君死雪水渾琴絃綠水絕詩句青山存

五言古詩

採蓮曲

凝鮮露渚夕陽艷綠波風魚遊乍散藻露重稍歛
紅楚客傷暮節吳娃泣敗葉促令芳本固寧望雪

霜中

征人

西風屢鳴鴈東郊未昇日
繁烟幕幕昏暗騎蕭蕭
出望雲愁玉塞眠月想
蕙質借問露沾衣何如香
滿室

九日陪樊尚書龍山宴集

孟嘉從宴地千乘復登臨
緣危陟高步憑曠爲幽
襟黃花既初馥翠物喜盈
斟雲雜組繡色樂和山
水音旆搖秋吹急筵卷夕
光沉都人瞻騎火猶知
隔寺深

病中赴袁州次香館

病興懋上館繚繞向山隅
荒葛漫欹壁幽禽啄朽
株力微怯升降意欲結
踟躕誰能挹香水一爲濯
煩紆

遊峽山寺

結構天南畔勝絕固難儔
幸蒙時所漏遂得恣閑
遊路石蔭松蓋盤藤維
鶴舟雨霽花木潤風和
景氣柔寶殿敞丹扉靈
幡垂絳旒照曜芙蓉壺
金人居上頭翔禽拂危
剎落日避層樓端溪瀾
漫駛曲澗潺湲流高居
何重沓登覽自夷猶烟
霞無隱態

巖洞詎遺幽奔駟非久耀馳波音暫留會從香火
緣滅跡此山丘

宿陟岵寺雲律師院

像宇鬱參差寶林踈復密中有彌天子燃燈坐虛
室心證紅蓮喻跡羈青眼律玉鑪揚翠烟金經開
縹帙肆陳堅固學破我夢幻質碧水灑塵纓涼扇
當夏日宿禽詎相保迸火煙欲失願廻戚促勞趨
隅事休逸

經端溪峽中

陰岸東流水上有微風生素羽漾翠澗碧苔敷丹

英重林宿雨晦遠岫孤霞明飛猿相攀牽白雲亂
縱橫有客泝輕楫閱勝匪羈程逍遙一息間糞土
五侯榮塞茗底燭熱漱泉聊析醒禮樂志泰尊寄
在樂析朝醒言絲竹者詎識松風聲

題玄和師仙藥室

山邊蕭寂寥

一作寥

室石掩浮雲扃造室微有路松烟

深冥冥入松汲寒水對鶴問仙經石几香未盡水
花風欲零何年去華表幾度窮滄海却願宦遊子
渺如霜中蟹

遊陸先生故巖居

獨壑臨高嶂蒼苔絕行跡仰窺猿挂樹俯對鶴巢
石上有一巖屋相傳靈人宅深林無陽暉幽水轉
鮮碧拾薪遇遺聞探穴得古籍結念俟雲興燒香
坐終夕

南海苦雨寄贈王四侍御

炎風雜海氣暑雨每成霖塗泥觀杖屨苔蘚漬衣
襟念近劇懷遠涉淺定知深晴溝夜滴滴荒庭晝
暉暉折簡展離曠理邇俟招尋處陰誠多憐况乃
觸隅禽

秋夜閑居卽事寄廬山鄭員外蜀郡符處士

憂思繁未整良辰會無由引領遲佳音星紀屢以
周蓬閨絕華耀況乃處窮愁陸葉寒擁砌燈光夜
悠悠開琴弄清弦窺月俯澄流冉冉鴻鴈度蕭蕭
帷箔秋悵懷石門詠緬慕碧鷄遊髣髴蒙顏色崇
蘭隱芳洲

寄贈田舍曹灣

芳蘭媚庭除灼灼紅英舒身為陋巷客門有絳轅
車朝覽夷吳傳慕習穎陽書盼雲高羽翼待賈蘊
璠璣纓弁雖云阻音塵豈復疎若因風雨晦應念
寂寥居

贈羅浮易鍊師

海上多仙嶠，靈人信長生。
榮衛冰雪姿，曠嚼日月精。
默書絳符遍，晦步斗文成。
翠髮披肩長，金蓋凌風輕。
曉籟息塵響，天雞一作鹿叱幽聲。
碧樹來戶陰，丹霞照窓明。
焚香扣虛寂，稽首廻太清。
鸞鷟振羽儀，飛翻拂旒旌。
左挹玉泉液，右舉雲芝英。
念得秦龍駕，攀天度赤城。

登紫霄峰贈黃仙師

紫霄不可涉，靈峰信穹崇。
下有瓊樹枝，上有翠髮翁。
雞鳴秋漢側，日出紅霞中。
璨璨真仙子，執麾爲

侍童焚香杳忘言默念合一作思合太空世華徒熠耀
虛室自朦朧雲飛瓊瑤圃龜息芝蘭葉玉篠掩不
開天窓微微風茲焉悟佳旨塵境亦幽通浩淼臨
廣津永用挹無窮

將之荊州南與張伯岡馬惣鍾陵夜別

荆臺別路長密緒分離狀莫訴杯來促更籌屢已
倡燭花侵霧暗瑟調含風亮詎念曉帆開默睇參
差浪

桂州與陳羽會別

慘戚損志抱因君時解顏重歎今夕會復在幾夕

間碧桂水連海蒼梧雲滿山茫茫從此去何路入
秦關

夷陵郡內叙別

禮娶嗣明德同牢夙所欽况蒙生死契豈顧蓬蒿
心鴈幣任野薄恩愛緣義深同聲若鼓瑟合韻似
鳴琴將逝空未立就贅意難任皎月託言誓滄波
信浮沉荆臺理晨轍巫渚疑宵襟憫憫百慮起回
回萬恨侵候更促徒侶先曉徹夜禽燈彩凝寒風
蟬思噪密林留念同心帶贈遠芙蓉簪撫懷極投
漆感物重黃金分鸞豈遐阻別劍念相尋儻甘蓬

戶賤願侯故山岑

秋夜桂州宴送鄭十九侍御

秋至觸物愁况當離別
筵短歌銷夜燭繁緒遍高
絃桂水舟始泛蘭堂榻詎懸
一桮勿離阻三歲奉
周旋鴉噪更漏颯露濡風景
鮮斯須不共此
更留連

送鄭丞之羅浮中習業

百年泛飄忽萬事繫衰榮
高鴻脫矰繳達士去簪
纓始從天目遊復作羅浮
行雲臥石林密月窺花
洞明全形在氣和習默憑
境清風秘絳囊談屢投

唐書統鑑

金簡名鍾甕促離觴烟霞隨去程何當真府內重
得欵平生

送王秀才往安南

君爲蹈海客客路誰諳悉鯨度乍凝山鷄鳴先見
日所嗟廻棹晚倍結離情密無食食浦珠念守江
陵橘

送公孫器自桂林歸蜀

桂林淺復碧潺湲半露石將乘觸物舟暫駐飛空
錫蜀香異青眼蓬戶高朱戟風度杳難尋雲飄詎
留跡舊戶開花草馴鴿傍簷隙揮手共忘懷目墮

千山夕

江陵送客歸河北

遠客歸故里臨路結徘徊山長水復闊無因重此
來聊將歌一曲送子手中杯

盧十五竹亭送姪偁歸山

落葉寒擁壁清霜夜霜石正是憶山時復送歸山
客殷勤一樽酒曉月當牕白

賦得夜雨滴空堦送魏秀才

委簾方瀟瀟霑紅復洒綠醉聽乍朦朧愁聞多斷
續始兼泉一作響細稍雜更聲促百慮自縈心况

有人如玉

七言古詩

白紵辭二首

玉纓華佩雜輕羅香汗微漬朱顏酡爲君起唱白
紵歌清聲裏雲思繁多凝笳哀瑟時相和金壺半
傾芳夜促梁塵霏霏暗紅燭令君安坐聽終曲墜
葉飄花難再復

躡珠履步瓊筵輕身起舞紅燭前芳姿豔態妖且
妍迴眸轉袖暗催絃涼風蕭蕭漸水急月華泛艷
紅蓮濕牽裙攬帶翻成泣

烏啼曲

可憐楊葉復楊花
雪淨煙深碧玉家
烏栖不定枝條弱
城頭夜半聲啞啞
浮萍流蕩門前水
任冒芙蓉莫浣紗

長門怨

絲聲繁兮管聲急
珠簾不捲風吹入
萬遍凝愁枕上聽
千迴候命花間立
望望昭陽信不來
迴眸獨掩紅巾泣

寄微公

北風吹霜霜月明
荷葉枯盡越水清
別來幾度龍

唐詩卷之八
宮宿雪山童子應相逐

宿雲溪觀賦得秋燈引送客

雲房寄宿秋夜客一燈熒熒照虛壁蟲聲呼客客
未眠幾人語話清景側不可離別愁紛多秋燈秋
燈奈別何

哭李象

白鷄黃犬不將去寂寞空餘墓時路劉云起鵲
知有失草
死花開年復年後人知是何人墓憶君思君獨不
眠夜寒月照青楓樹

五言律詩

七夕

漢浦常多別星橋忽重遊向雲迎翠輦當月拜珠
旒寢幌凝宵態粧奩閑晚愁不堪鳴杼日空對白
榆秋

題山寺

千峰白露後雲壁挂殘燈曙色海邊日經聲松下
僧意閑門不閉年去水空澄稽首如何問森羅盡
一乘

山齋獨宿贈晏上人

石幢雲樹秋黃葉下山頭蟲響夜難空

一作度夢閑

神不遊窓燈寒几盡一作簷雨曉增愁何以禪栖

客灰心在沃洲

贈徹公

白首年空度幽居俗豈知敗蕉依晚日孤鶴立秋
池久客何由造禪門不可窺會同塵外友齋沐奉
威儀

廣州石門寺重送李尚赴朝時兼宗正卿

象闕趨雲陛龍宮翹石門清鏡猶啓路黃髮重攀
轅藻變朝天服珠懷繫地言那令蓬蒿客茲席味
離樽

冬夜舉公房送崔秀才歸南陽

聞君動征棹，犯夜故來尋。
強置一樽酒，重款百年心。
燈白霜氣冷，室虛松韻深。
南陽三顧地，幸偶價千金。

送陳房謁撫州周使君

匡山一畝宮，尚有桂蘭叢。
鑿壁年雖異，穿楊志未乖。
同貌羸緣塞，苦道蹇爲臺。
去謁臨川守，因憐鶴在籠。

送孔周之南海場上尚書

泛棹送流萍，桂寒山更青。
望雲生碧落，看日下滄溟。

浪潮盡收珠母沙閑拾翠翎自趨龍戰下再爲誦
芳聲

送人流雷州

逐客指天涯人間此路賒地圖經大庾水驛過長
沙臘月雷州雨秋風桂嶺花不知荒徼外何處有
人家

經趙處士故居

雲居避世客髮白習儒經有地水空綠無人山自
青廢築悲逝水臥木思荒庭向夕霏烟歛徒看處
士星

五言小律

宿陸氏齋賦得殘燈詩

殷勤照水夜屬思未成眠餘暉含薄霧落燼迸空
筵誰比秦樓曉緘愁別幌前

五言排律

詠春色

靄靄復濛濛非霧滿晴空密添宮柳翠暗泄路桃
紅縈絲光乍失緣隙影纔通夕迷鴛枕上朝漫綺
絃中促駟馳香陌勞鶯轉艷叢可憐腸斷望併在
洛城東

朱絲絃

寂寞瑤琴上深知直者情幸傳朱鷺曲那止素絲
名瑞草人空仰王言世久行大方聞正位樂府動
清聲文武音初合宮商調屢更誰能向機杼終日
泣無成

七言律詩

贈廬山道士

寂寥高室古松寒松下仙人字委鸞頭垂白髮朝
鳴磬手把青芝夜遶壇物像自隨塵外城真源長
向性中看悠悠萬古皆如此秋比松枝春比蘭

五言絕句

邊思

蘇武節旄盡李陵音信稀
花當隴上發人向隴頭歸

夜步次古城

茫茫死復生惟有古時城
夜半無鳥雀花枝當月明

宿吉祥寺寄廬山隱者

風鳴雲外鐘鶴宿千年松
松思杳不見月出山重

重

題花樹

都無看花意偶到樹邊來

劉辰翁云
來得慘淡

可憐枝上色

一一爲愁開

七言絕句

僊女詞

玉笄初侍紫皇君
金縷鸞衣滿絳裙
僊宮一閉無消息
遙結芳心向碧雲

春夢

空庭日照花如錦
紅妝美人當晝寢
傍人不知夢中事
惟見玉釵時墜枕

宿青牛谷梁鍊師仙居

隨雲步入青牛谷，青牛道士留我宿。
可憐夜久月明中，惟有壇邊一枝竹。

九日

黃花紫菊傍籬落，摘菊泛酒愛芳新。
不堪今日望鄉意，強插茱萸隨衆人。

槿

一作戎
景詩

自用金錢買槿栽，二年方始一花開。
鱗紅未許家人見，蝴蝶爭知早到來。

何

賢人處霄漢荒澤自耕耘
隴首降時雨雷聲出

疑雲
答崔僕

詩式

餘見前